

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Historia Zaringo Badensis**

**Schöpflin, Johann Daniel**

**Carolsruhae, 1765**

CCXLVIII.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

## CCXLVIII.

LUDOVICUS IV. IMP. COLMARIAM, SELESTADIUM,  
EHENHEMIUM, MUHLHUSAM ET ROSHEMIUM CIVITATES  
RUDOLPHO MARCHIONI BADENSI PRO MMMC. LIBRIS  
HALL. OPPIGNERAT.

ANNO MCCCXXXIII.

*Ex tabulario Bada - Badensi.*

*Wir Ludewig von Gots Genaden Romischer Kayser ze allen Ziten merer des Richs. Verjehen offentlich an disem Brief, daz wir dem Edlen Mann Rudolf Margrafen von Baden genannt dem Hessen unsern lieben getrewen umb der Dinst die er uns und dem Riche tun sol drui tausend Phunt und hundert Phunt Haller geben haben, von derselben dreier tusent phunt und hundert phunt Haller geheizzen und sullen wir im fuinstzehen hundert phunt vnd fuinfzig phunt geben und richten von Sand Martens Tag der schierst chumt über ein jar, und die andern fuinstzehen hundert phunt und fuinstzig phunt von demselben Sand Martins Tag aber über ein jar, von dem Geld daz uns gefallen soll von unserm und von des Riches Forste ze Hagenow und von den Beten und siwren die uns unser und des Richs Stet Kolmarn, Sletzstat, Ehenheim, Mulhusen und Rosheim jährlich uf dieselben Zit geben sullen. wär auch daz wir anjezer derselben Vrist als vorge-*

schriben stat funftzehnhundert phunt und funftzig phunt Haller nicht richten, so sol er si haben uf Säls der Stat und die inne haben in Phandes weiß als ander Gelt daz er daruf hat. Auch hat uns derselbe Margraf gelobt und geheizzen in eides weiß und zu den heiligen gesworen des wir sin Brief haben, ze dienen und ze helfen, wider allermänniglich dieweil wir leben on wider sinen Vettern Margraf Rudolffen von Pfartzheim genant von Baden und Margraf Herman desselben Bruder Sun, Graf Ulrich von Wirtenberg und wider Ludewigen und Friderich Grafen ze Oetingen Er soll uns auch mit sinen vesten Burgen und Steten wartent sin, und uns unsern Dyenern und Helfern von unsern wegen die offenn ze allen Ziten swenn uns des von unsern und von des Richs wegen not geschicht an alle widerrede. Und darüber ze Urchunde geben wir im disen Brief versigelten mit unserm Keyserlichen Insigel Der geben ist ze Hagenowe an dem Samtztage vor aller Heiligen Tag. Da man zalt von Christus Geburt druitzen hundert jar darnach in dem dritten und drizzigstem jar In dem Niwenzehenden jar unsers Richs und in dem Sechsten des Keyserthums.